

- सरकार नै राजस्थान ते ओडिशा च ट्रैफिक प्रबंधन च सुधार आस्तै आधारभूत संरचना परियोजना गी मंजूरी दिती।
- संसद च बिहार मतदाता सूचियें च बदलाव मुद्दे दे चलदे शोर-शराबा रेया दवै सदन रेह स्थगित।
- उपराष्ट्रपति पद दे चुनाव आस्तै India ब्लाक ने साबका सुप्रीम कोर्ट दे न्याधीश बी. सुदर्शन रेड्डी होरें गी अपना उम्मीदवार घोषित किता- प्रधानमंत्री नरेन्द्र मोदी होरें उप राष्ट्रपति पद दे उम्मीदवार दे तौर पर सी.पी. राधा कृष्णन होरें गी NDA पार्लमानी पार्टी बैठक परिचित करवाया, सारेंगी सहयोग देने आस्तै किती अपील।
- राष्ट्रीय सुरक्षा सलाहकार अजित डोवाल होरें चीन दे विदेशमंत्री Wang Yi हुंदे कन्नै बन्ने सरबन्धी मुद्दें पर नमीं दिल्ली च चर्चा किती। चीन दे विदेशमंत्री होरें आक्खेया दवै देशें बश्कार पहले आले हालात दवै बक्खी दे लोकें दे हित च नेई हे।
- भारत ते UAE च होने आले एशिया कप टी-20 आस्तै भारती क्रिकेट टीम दी घोषणा किती- गिल होगन उपकप्तान।
- ते भारती महिला निशानेबाजें दी टीम नै कजाकिस्तान च एशियाई निशानेबाजी चैम्पियनशिप च कैं दा तगमा हासल कीता।

Cabinet

कैबिनेट नै राजस्थान दे कोटा-बून्दी च Green Field हवाई अड्डे दे विकास आस्तै मंजूरी देई दिती ऐ, जेदी लागत तकरीबन इक हजार 507 करोड़ रुपए ऐ। इस परियोजना च टर्मिनल ईमारत दा निर्माण शामिल ऐ, जेड़ी 20 हजार Square मीटर दे क्षेत्र च बनौग। कोटा दी पंछान राजस्थान दी औद्योगिक राजधानी दे तौर पर ऐ। कोटा गी भारत दा Educational Coaching Hub यानि शैक्षणिक सिखलाई दा मुख केन्द्र बी आकखेया जन्दा ऐ। नमीं दिल्ली च मीडिया गी जानकारी दिंदे होई सूचना ते प्रसारण मंत्री अश्विनी वैष्णव होरें आकखेया जे कैबिनेट नै ओडिशा च 6- Lance रिंग रोड दे निर्माण गी मंजूरी देई दिती ऐ, जेदी लागत 8 हजार 307 करोड़ ते 74 लख दस्सी गई ऐ। ए भुवनेश्वर बाइपास ओडिशा ते दुए पूर्वी राज्यें आस्तै फायदेमंद साबित होग। कट्टक, भुवनेश्वर ते Khordha शहरें थमां मती ट्रैफिक गी दुए रस्ते पाया जाग। एदे कन्नै क्षेत्रीय, आर्थिक विकास सम्पर्क गी मजबूत करने च मदद होग। इस परियोजना कन्नै 74 लख 43 हजार लोकें गी सिद्धा रोजगार ते 93 लख 4 हजार लोकें गी बी रोजगार दे दुए मौके उपलब्ध होगन।

<><><><><><>

Parliament Adjourned

संसद दे दवै सदन दे कारवाई अज्ज बिहार च मतदाता सुचियें दी खास गहन पुर्नावृति दे मुद्दे दे चलदे खोदल पेई दी रेई। लोकसभा गी त्रै बारी स्थगित किता गया ते

राज्यसभा गी पूरे दिने आस्तै स्थगित करने थमां पैहले इक बारी स्थगित किता गया, जिससलै त्री बारी स्थगन दे परैन्त लोकसभा 4 बजे लग्गी, विरोधी पार्टियें दे सांसद सदन दे बश्कार आइ गे ते SIR मुद्दे पर नारेबाजी शुरू करी दिती। इस शोर-शराबे च लोकसभा नै भारती प्रबंधन संस्थान (संशोधित) बिल पारित करी दिता। पीठासीन अधिकारी नै विरोध-प्रदर्शन करा रदे सदस्यें गी गुजारिश कीती जे ओ सभा दा कम्म चलन देन, पर कोई फायदा नेही होआ। बिल दे पारित होने मगरा सभा गी स्थगित करि दिता गया। राज्यसभा च बी इयै जनेया नजारा दिक्खने गी लब्बा। बड़्डलै जिसलै राज्यसभा 11 बजे लग्गी, उपाध्यक्ष हरिवंश होरें बक्ख-बक्ख राजनीतिक पार्टियें थमां हासल 20 स्थगन प्रस्तावें गी खारिज करी दिता। एदे मगरा विपक्षी दलें दे सदस्यें SIR मुद्दे पर नारेबाजी शुरू करी दिती। हरिवंश उन्दी अपील पर बी सदस्यें विरोध-प्रदर्शन जारी रक्खेया ते सदन गी स्थगित करना पेया।

<><><><><><>

Viksit Krishi Sampark Abhiyan

केन्द्री राई-बाई ते करसान कल्याण मंत्री शिवराज सिंह चौहान होरें घोषणा कीती ऐ जे विकसित कृषि संकल्प अभियान इस बरे 3 अक्टूबर गी शुरू किता जाग। उनें आक्खेया जे इस मुहिम दा मकसद करसानें ते साईसदान बश्कार सीद्दी गल्लबात गी बढ़ावा देना ऐ ते ए 18 अक्टूबर तोड़ी जारी रौहग। लोकसभा च प्रश्नकाल दे दौरान परते च चौहान होरें आक्खेया जे इस मुहिम दे दौरान हजारां साईसदान ते राई-बाई अधिकारी ग्राएं च

जागंन ते करसानें कन्नै गल्लबात करगंन। एदे तैहत करसानें गी नमीं तकनीकें बारे जानकारी दिती जाग जेदे कन्नै पैदावार बदोग।

<><><><><><>

INDI VP Candidate

कांग्रेस अध्यक्ष मल्लिकार्जुन खड़गे होरें घोषणा कीती ऐ- साबका सुप्रीम कोर्ट दे न्यायधीष बी- सुदर्शन रेड्डी होरें India Bloc दे बक्खियां उपराष्ट्रपित पद आस्तै उम्मीदवार होगंन। नमीं दिल्ली च प्रैस वार्ता च इस फैसले दी घोषणा करदे होई खड़गे होरें आक्खेया जे सारे विपक्षी दलें मन्नी लैते दा ऐ जे ए विचारें दी लड़ाई ऐ। कांग्रेस अध्यक्ष होरें जानकारी दिती जे रेड्डी होर इस महिने दी 21 तरीक गी अपना नामांकन भरगंन। तोंआई नमीं दिल्ली च सवेरे NDA पार्लिमानी पार्टी बैठक च मोदी होरें NDA सांसदे गी राधाकृष्णन कन्नै परिचित कराया, जेड़े के सांसद ते राज्यपाल रेही चुके दे न। उनें आक्खेया राधाकृष्णन उन्दा जीवन साधारण रेया ऐ ते विवादें थमां परे ऐ ते उन्दा उपराष्ट्रपति चुनोना पूरे देश आस्तै खुशी दी गल्ल ऐ।

<><><><><><>

EAM Russia

विदेश मामले दे मंत्री डाक्टर एस. जयशंकर होर अज्जै थमां रुस दे 3 ध्याड़े दे दौरै पर जा रदे न। विदेशी मामले दे मंत्रालय नै इक ब्यान च आक्खेया जे डाक्टर एस. जयशंकर होर बपार- आर्थिक- वैज्ञानिक तकनीकी ते सांस्कृतिक सहयोग पर आधारित

भारती-रुस अंतर- सरकारी कमीशन दे 26में सत्र दी सह-अध्यक्षता करगंन। सत्र कल मॉस्को च होग। अपने दौरे दौरान डाक्टर जयशंकर होर रुस दे विदेश मंत्री Sergey Lavrov हुन्दे कन्नै चर्चा करगंन ते भारत-रुस बपार फोरम गी सम्बोधित बी करगंन। मंत्रालय नै दस्सेया ऐ जे दवै नेता दपक्खी एजेंडे दी समीक्षा करगंन ते क्षेत्रिय ते वैश्विक मुद्दें पर विचार सांझा करगंन।

<><><><><><>

Doval Chinese FM

राष्ट्री सुरक्षा सलाहकार अजित डोवाल ते चीन दे विदेश मंत्री Wang yi होरें भारत-चीन बश्कार बन्ने गी लेइयै सोआल पर खास प्रतिनिधि गल्लबात दे 24में राउंड च शिरकत कीती। डोवाल होरें शुरुआत च आक्खेया जे बन्ने दे कन्नै हालत पिच्छले 9 महिने च सुधरे न ते शांतिपूर्ण न। उनें आक्खेया जे दवै देशें बश्कार दपक्खी सम्पर्क दा बेहतर असर सामने आया ऐ। उनें ए बी आक्खेया दे दवै देश अपने नेताएं दे शुक्रगुजार न- जेड़े पिच्छले साल अक्तूबर च काज़ान च मिले हे ते आपसी रिश्तें गी नमीं दिशा दिती। डोवाल होरें उम्मीद जाहिर कीती जे इस बारी दी गल्लबात बी सफल रौहग। उनें आक्खेया इस आपसी गल्लबात दा खास महत्व ऐ- कीजे प्रधानमंत्री नरेन्द्र मोदी होर SCO सम्मेलन च जल्द गै जा रदे न। तोंआई चीन दे विदेश मंत्री Wang Yi होरें आक्खेया जे दवै देशें पिच्छले किश सालें च जेड़ा किश भुगतेया ऐ- ओ बक्खी दे लोकें दे हित च नेही हा। इस खास वार्ता दे 23 राउंड दी सफलता गी उजागर करदे होई- उनें

आक्खेया जे दवै राष्ट्र असहमति दे प्रबंधन- बन्ने पर अस्थिरता गी रोकने ते सहमति पर पुज्जत दी बक्खी बदे न।

<><><><><><>

Languages

लोकसभा स्पीकर ओम बिरला होरें अज्ज सदन गी दस्सेया जे व्याख्या सेवां हून संविधान च सूचीबद्ध सब्भनें भाषां च उपलब्ध होगन। उनें आक्खेया जे व्याख्या दियां सुविधां हून कश्मीरी -कोंकणी ते संथाली च बी उपलब्ध न। उनें दस्सेया जे हुनै तगर डोगरी सनै हिंदी ते अर्गेंजी दे इलावा 18एं भाषां च व्याख्या दियां सुविधां प्रदान कीतियां गेइयां हियां। श्री बिरला होरें जानकारी दिंदे होई आक्खेया जे कश्मीरी- कोंकणी ते संथाली भाषाएं गी जोड़ने दे कन्नै सदन हून संविधान दी 8मीं अनुसूचि च शामिल- सब्भनें 22एं भाषाएं च व्याख्या सुविधा प्रदान करा रदा ऐ। इस मौके पर अगगे बोलदे होई ओम बिरला होरें आक्खेया

<><><><><><>

Asia Cup -Squad

भारतीय टैस्ट कैप्टन शुभमन गिल होरें T-20 अंतराष्ट्रीय मंच पर वापसी करी लैती ऐ ते उनेंगी UAE च होने आले Asia Cup आस्तै उप-कप्तान नियुक्त किता गया ऐ। सूर्य कुमार यादव होर भारती T-20 टीम दी अगुआई करगन। दुए दिग्गज खडारियें च

जसप्रीत बुमराह- कुलदीप यादव शामन न। BCCI मुख चयनकर्ता अजित अगरकर होरें आक्खेया जे Prasidh कृष्णा- वाशिंगटन सुन्दर- रियान पराग- ध्रुव जुरेल ते यशस्वी जैसवाल गी भारती एशिया कप Squad आस्तै Stand by पर रक्खेया गया ऐ। टीम च अभिषेक शर्मा- अर्शदीप सिंह- वरुण चक्रवर्ती- संजु सैमसन- हर्षित राणा ते रिकु सिंह- शामल न। 8 टीम दा एशिया कप टी-20 थमां- टूर्नामेंट 9 सितम्बर थमां 28 सितम्बर तोड़ी अबुधाबी ते दुबई च खेडेया जाग।

<><><><><><>

Bhaker Bronze

दो बारी ओलम्पिक पदक विजेता रेही चुके दे मनु भाकर होरें कजाकिस्तान च होआ रदी 16मीं एशियाई निशानेबाजी प्रतियोगिता च 10m Air Pistol कें दा तगमा हासल कीता। भारती निशानेबाज नै 219 इशारिया 7 अंक हासल करियै त्रिए थाहर पर रेह। टीम प्रतियोगिता च बी भारत नै कें दा तगमा हासल किता। इस टीम च सुरुचि सिंह, भाकर ते पलक गुलिया होरें इक हजार 730 अंक पर समाप्ति किती। ए टीम दुई थाहर पर Republic of Korea थमां इक अंक ते सुन्ने दे तगमें दे विजेता -चीन थमां 10 अंक पिच्छे रेही।

<><><><><><>

Mumbai Rainfall

मुम्बई ते ओदे कन्नै लग्गदे इलाके च भारी बरखा जारी ऐ जेदे करी पानी दा जमाव बदी गया ऐ। मकामी रेलगड्डियें गी रोकेया गया ऐ ते कैई डोआरियां अगड़े पाई दितियां

गेइयां न। प्रशासन नै बसनीकें गी अपील कीत ऐ जे गैर-जरूरी सफर थमां बचन ते निजि दफ्तरें गी आकखेया गया ऐ जे कर्मचारियें गी घरें थमां कम्म करने आस्तै आकखन। भारी बरखा ते पानी इकट्ठा होने करी अज्ज मुम्बई शहर दे सारे स्कूल ते कालेज बंद रेह। मौसम विभाग दे मुताबिक मुम्बई दे केश हिस्सें च पिछले 24 घंटें च 2 सौ मिलीमीटर थमां बढ़ बरिश दर्ज कीती गई ऐ। बिखरोली च सब्भनें शा मती 2 सौ 55 इशारिया 5 मिलीमीटर बरखा दर्ज कीती गई। विभाग ने शैहर ते कन्नै लग्गदे जिलें आस्तै रेड अलर्ट जारी किता ऐ। पुणे, नासिक ते सतारा दे घाटे पर बी रेड अलर्ट जारी किता गया ऐ। तेलंगाना च बी खरी मती बरखा दे चलदे राज्य दे केंई हिस्सें च हाइ जनेह हालात बने दे न। पिछले किश दिनें थमां तेज बरखा पौने करी निचले इलाके च सिइके ते फसलें गी खरा नुक्सान होआ ऐ। दिल्ली च यमुना दा जलस्तर खतरे दे निशान थमां ऊपर ऐ। तोंआई दिल्ली दी मुखमंत्रि रेखा गुप्ता होरें यमुना बजार दे रिहायशी इलाकें दा दौरा लाया। उनें मीडिया गी दस्सेया जे राष्ट्रीय राजधानी च हाइ जनेह हालात नेही ऐन ते हालात काबू च न। गुजरात च गिर सोमनाथ ते जुनागढ़ जिले च लगातार बरखा पोआ रदी ऐ।

<><><><><><>

Rescue Op Kishtwar

किश्तवाड़ दे चसौती गां च बद्दल फटने मगरा राहत ते बचाव कम्म युद्ध स्तर पर जारी ऐ। राहत ते बचाव टीमां लापता लोकें गी तुप्पने ते प्रभावित परिवारें गी मदद उपलब्ध कराने गितै लगातार जत्न करा रदियां न। सेना आसेया 5 राहत दल तैनात कीते गे न तां जे चला रदे जतनें च सहयोग दिता जाई सकै। सेना दे इनें जतनें गी

मुकामी लोकें सिफ्त कीती। मौसम दे बेहतर होने कन्नै गै बचाव अभियान नै गति फगड़ी ऐ। बचाव कर्मियें अज्ज उत्थुआं इक होर लोथ बरामद कीती ऐ जेदे कन्नै इस घटना च मरने आले लोकें दी कुल गिनतरी 64 तोड़ी जाई पुज्जी ऐ। कुल 167 लोकें गी बचाया गया ऐ, अजें बी 39 लोक लापता न।

<><><><><><>

CM Disaster

मुख्यमंत्री उमर अब्दुल्ला होरें आक्खेया ऐ जे माहिरें दी इक टीम गी नियुक्त करने दी लोड़ ऐ जेड़ी उनें इलाकें ते थाहरें दा पता लाग जित्थे कुदरती आपदा दी मती शेंका होई सकदी ऐ। उन्दा ए ब्यान चसोती च बददल फटने करी होए दे हादसे मगरा आई ऐ। ए ब्यान उनें शेर-कश्मीर अंतरराष्ट्रीय कन्वेंशन सेंटर च राष्ट्रीय शिक्षा नीति 2020 पर आयोजित कार्यक्रम दे बाहरे मीडियाकर्मियें कन्नै गल्ल करदे होई दिता। इस मौके पर बोलदे होई मुख्यमंत्री होरें किट्ठे रलियै आपदा दी त्त्यारी करने, कारगर योजना बनाने ते जम्मू-कश्मीर च इस पेठा चुनौतियें कन्नै निबड़ने पर जोर पाया।

<><><><><><>

Kailash Yatra

किश्तवाड़ ते कठुआ जिलें च हाल च पेश आई दी बददल फटने दियें घटनाएं दे मददेनजर डोडा दे जिला प्रशासन नै सालाना कैलाश यात्रा पर पाबंदी लाई ऐ। ए पाबंदी

लोकें दी सुरक्षा दी यकीनी बनाई लेई लाई गेदी ऐ। डोडा दे डिप्टी कमीशनर हरविन्दर सिंह होरें घोषणा कीती ऐ जे छड़े पंजीकृत पुजारियें, होर दुइयां सुविधां उपलब्ध करोआनें आलें ते उनें श्रद्धालुएं गी जिन्दे कश वैद्य पंछान पत्र होगन, उनेंगी गै उत्थे जाने दी इजाजत दिती जाग। कठुआ दे भलेसा दे रस्ते गी इस बरे खराब मौसम दे चलदे बंद कीता गया ऐ। श्रद्धालुएं गी आक्खेया गया ऐ जे ओ सहयोग करन ते दिशा-निर्देशों दी पालना करन। इस मौके पर बोलदे होई डोडा दे डिप्टी कमीशनर होरें आक्खेया

<><><><><><>

JK Wool

भारत च जम्मू-कश्मीर ऊन दी पैदावार च दूई थाहर पर ऐ। 2023-24 च ऊन दी पैदावार च जम्मू-कश्मीर नै 25 इशारिया 2-4 फीसद योगदान दिता ऐ। ए आंकड़े पशु-पालन मैहकमे आसेया जारी कीते गे न। राजस्थान 45 इशारिया 9-4 फीसद उत्पादन करियै पैहली थाहर पर ऐ। गुजरात-महाराष्ट्र ते हिमाचल-प्रदेश पैहले 5 च शामिल न-इंदा कुल उत्पादन 87 इशारिया 7-6 फीसद ऐ। ए रिपोर्ट जम्मू-कश्मीर दे भीड़ पालन आले सैक्टर दी भारत दे कपड़ा तते दस्तकारी उद्योग च बढ़ती महत्ता गी दर्शादी ऐ। एदे कन्नै केन्द्र शासित प्रदेश दे हजारां बद्धे परिवारें गी आजीविका बी हासल होआ रदी ऐ।

<><><><><><>